

中国边疆研究资料文库·边疆行政建制初编

綜合

中国边疆研究资料文库·边疆行政建制初编

綜合

湖廣上

備錄

全省圖經○荆域故稱山水瓌奇、郡邑蕃布、談者各據專勝耳、食於所聞、致相牴牾、總之則折衷於禹貢者爲著、昔禹之導山也、始於沂、岐、以次及于熊耳、外方桐栢、至於陪尾、導嶓冢、至於荆山、內方至於大別、岷山之陽、至於衡山、過九江、至于敷淺原、嶓冢導漢、東流爲漢、又東爲滄浪之水、過三澨、至於大別、南入於江、岷山導江、東別爲沱、又東至於澧、過九江、至於東陵、東迤北、會爲匯、東爲中江、入於海、夫熊耳西導、循桐栢之源、至陪尾、以奠漢陰、諸山然後上遡岷、嶓析爲二導之、至其歸也、則嶓冢漢漾咸至、大別屬之、江、岷、陽、江、沱、咸過九江、受漢水之輸、達諸海、故曰荆及衡陽、惟荊州、江漢朝宗於海、此其大勢也、據以考論全荆流峙之次、則西北而折、東南合之、相比攬結、

若天塹焉、豈非形勢雄奧之國哉、迺據舊志原本於禹迹詮次之、令後此得觀覽焉、南紀之山自岷嶓西北行、入于雍、驪首沂隴、負終南之陽、標二華、揭熊耳、掩上洛、迤而北、入庸廩之墟、其郡為鄖陽、有錫義山焉、漢水經之、東接穀山、遮桐栢、至栲栳、太平、其州為隨、槎水出其東、其山曰厲山、有二穴、其下有九井焉、炎帝之所出也、其崛起為大洪、虧蔽雲日、麓走京嶺、掖以五華之山、逆漢而趨、羣岡翼之、其山曰純德、其郡為承天、涇水出焉、折而東、歷阨阨三塞、躡二吉、安壽之間、至章山、陪尾郡焉、是曰德安、涇水出其西、漳水合之、若蟬螻然、東度九嶷、連嵯峨、武磯、至於臨臯、赤嶼、其郡為黃州、又東出為分流、白雲、至於鳳凰、其州曰蘄、巴浍之水出焉、

以上禹貢熊耳外方至於陪尾之夫、黃州以接近陪尾併

入自岢冢逶漢源西上趨而南得南漳之荆山禹貢迤而峙於均州

之南境攢立截業其山為太和是為神臯祝釐之宮郡曰襄陽隆中

在其西鹿門在其東波漢之陽峴山屏焉從鄢城今宜城縣逾漳入于荆

門經內方禹貢內方在荆門州由西山蹟故郢至於章華原野眇々四望如砥

其郡曰荊州上控三峽江水出焉播為大江帶于郡遵綠林出高氏

故堤望壽寧引句雍諸瀝禹貢三瀝在今沔陽州接黃蓬歷烏林陽臺臨章以

盡于大別其郡為漢陽漢水經之入於江以上禹貢導嶓冢至於荆山內方大別導漢為滄浪

三瀝至大別入江之支自岷山西南出徼外包夷落其南入恨山經施州衛之

連朱黔水出焉咽抗諸蠻掖蔽武陵當洞庭之西其峙曰二酉之山

武山之石室也其郡為辰州是多溪流辰沅紀之從壺頭達思梅覽

大浮以入桃源其郡常德山麗焉洞庭濱焉逾瀆源循勝山武岡
耶章高麗臨邵水之陽而郡曰寶慶有夫夷之水都梁入之會于瀆
由龍山而東陟青陽表以祝融紫蓋岫嶺諸峰為衡山鎮位朱火是
曰南嶽其上禹碑有蒸水焉合于瀟湘其郡衡州循衡山之麓西
南馳直抵蠻徼介牂牁武陵得靖州之飛山青蘿跨粵西柳桂之交
絡湘源緣留洞大湊以迄永山其郡為永州九疑之山舜之所藏也
水二曰瀟曰湘沿九疑背遠衡陽南趨石馬黃相臨柳州漸水以接
粵東之大庾嶺引而西南經贛吉袁筠之境入茶陵歷雲陽石姥陽
岐至妙高峯為長沙之郡其嶽麓有禹碑焉湘水從郡北入洞庭瀏
陽而北轉王筍白鶴至於巴丘禹貢東陵其郡岳州其浸洞庭九水歸之

禹貢岷江注焉沿東陵掠金紫上赤壁瞰陸口達下雋龍泉摩鷄翅
以極于黃鵠之磯是為武昌會郡復從樊口歷黃始龍蟠盡興國州
之域北望蘄黃群山對踞矗立如壁江漢從夏汭合流東扼其中乃
下彭蠡東北放諸海而登以上禹貢岷陽至衡山過九江導江
為沱過九江至東陵北匯入海之夫

山堂考索江南所恃以為固者長江也四川之地
據長江上游而下臨吳會蓋江水出岷山經夔峽
而抵荊楚則江陵為一都會沅湘衆水合洞庭
而輸之江則武昌為一都會豫章平西江與鄱陽
之浸浩瀚吞納而匯於滢口則九江為一都會

督撫巡撫湖廣兼贊理軍務都御史一人開府會城楚之全域咸歸
節制景泰年設○提督軍務撫治鄖陽都御史一人駐鄖陽府先是
鄖縣地界雍豫間山箐茂密僻邊郡治成化元年饑民嘯聚山谷撫
之復叛兵部尚書白圭帥師往征乃平七年叛都御史項忠驅之去
二十年叛都御史原傑平之 朝議建撫治鄖陽即鄖竹山地置竹
谿縣割鄖陽地置鄖西縣并鄖房竹山上津等縣隸之其河南割南
陽汝州唐縣地置桐柏南召伊陽三縣陝西商縣性為州割其地置南
召山陽二縣併割漢中洵陽地置白河縣尋以荆南上下關南商洛
汝南道諸郡皆屬撫治弘治五年都御史戴珊疏於鄖陽府增置保
康縣嘉靖間割德安隸撫治隆慶末議裁去萬曆二年都御史孫應

鰲奏加提督軍務之銜○總督川貴湖北都御史一人嘉靖二十九年麻陽苗叛命都御史張岳討平之尋鎮其地開府沅州四十二年議革後以巡撫貴州都御史兼領湖北一道○臺察清軍巡按監察御史一人舊制十年一差按歷郡國勾稽軍籍登耗覈其數上之大司馬後革兼領於巡按御史萬曆二年部議復差○省轄清軍右布政使一人○清軍副使一人○屯田副使一人○分巡武昌兼兵備僉事一人以上俱駐會城○分守上荆南道兼九永兵備叅政一人駐澧州○分巡上荆南道兼施歸兵備副使一人駐荊州○施州兵備僉事一人駐夷陵今革以荆南分巡兼領之○分巡下荆南道兼鄖襄兵備副使一人駐襄陽○分巡上湖南道兼柳桂兵備副使一

人駐衡州○辰沅兵備副使一人駐沅州○蘄黃兵備副使一人駐黃州今革○分巡荆西兼兵備僉事一人駐沔陽○下江防兵備僉事一人駐蘄州○上江防兵備僉事一人駐岳州○帥領鎮守湖廣掛平蠻將軍印總兵官一人 國初開鎮辰州後徙常德今駐會城先年侯伯若都督無常員今皆用侯伯叅將都留行司守備衛所皆轄領之○鎮筵叅將一人轄鎮溪軍民所苗民土軍箐子坪長官司滑石江土巡簡司守禦灣溪陰隆江爆木洞口大凹新地寨陽都容牛隘南陽等堡○清浪叅將一人領清浪守備一轄平溪清浪偏橋鎮遠四衛鮎魚站南寧嘴平溪寨太平哨岳山哨梅溪站梅花哨通濟柳塘平哨平蠻哨德勝永定哨武安大勝哨相見站等堡○靖州

參將一人領靖州永道武岡柳桂守備四轄靖州銅鼓伍開三衛汶溪等九所麻陽哨小坡蓬溪哨三堡○興都留守司正留守一人○副留守一人○僉書一人領衛三顯陵承天沔陽守禦所二德安千戶所隨州百戶所○湖廣都指揮使司軍政掌印一人○僉書二人領衛二十有四武昌武昌左黃州蘄州岳州施州九谿永定長沙茶陵寶慶衡州永州寧遠辰州沅州平溪清浪偏橋鎮遠常德靖州銅鼓伍開○鄖陽行都指揮使司掌印一人○僉書二人領衛五鄖陽襄陽荊州荊州左瞿塘守禦所八均州竹山房縣枝江夷陵遠安長寧忠州○三江守備一人初黃州岐亭設守備一人後革萬曆二年都御史趙賢御史李祚會題請復岐亭守備移駐於三江口轄武昌

武昌左黃州蘄州四衛并赤壁巡司弓兵主巡徼江洋有警則與洞庭守備相策應秋冬水涸則巡緝麻城黃陂黃安以防山寇○鎮守守備一人轄地與叅將同○清浪守備一人轄平溪清浪鎮遠偏橋四衛鮎魚等十七堡○靖州守備一人轄地與叅將同初叅備同駐靖州一城萬曆二年兵部以給事中張楚城疏請將叅將移駐銅鼓守備移駐伍開下其議於所司時都御史趙賢御史李杅會議題覆移守備於伍開叅將仍駐靖州不時巡歷銅伍二衛從之○永定守備一人景泰 九永守備一人駐九谿正德間併入施州嘉靖初駐九谿如故隆慶二年議以岳州通判理餉於九 守備移駐永定轄九谿永定二衛大庸安福添平麻寮四所并桑植安撫司上

下二崗○洞庭守備一人轄岳州衛澧州所華容鹿角安鄉尾口四
哨○鄖襄守備一人駐襄陽轄襄陽鄖陽二衛竹山房縣均州三所
○水道守備一人轄永州寧遠二衛錦田枇杷挑川寧遠江華等所
白鷄峽鎮等十五營堡關隘○柳桂守備一人轄柳州桂陽宜章廣
安寧溪五所○荆瞿守備一人轄施州衛大田所施南散毛忠建金
崗龍潭東鄉忠崗忠路大旺高羅容美盤順木冊忠孝鎮南東流臘
壁唐崖上下刺峒各宣撫安撫長官蠻夷官諸司

欽定四庫全書
湖廣襟帶江湖澤多田少民俗樸樸鮮
思積聚且道通九省冠蓋輻湊郵驛若之即今

宗室日繁縣賦日重採辦之後財力愈難故其民
率些贏而難治此其大較也武漢德安民貧地瘠承
天陵寢所在費冗事繁荆岳潛沙之間頻遭水患
且來之近日鄂黨大水盡損田廬岳沙地雖銷汰稅
糧甲于他郡黃州澆頑常德用德辰沅平為賊穴麻陽
溪洞諸蠻連結永保每肆劫掠至歲支羅之害實由于
此衡永僻饒資慶間靜庶幾可為然已非復曩時比矣